



831000

六一堂文集卷三



卷三

例封太安人劉母宋氏行略

例封太安人節孝劉母王氏行略

太學生王公行狀

鄉飲介賓王公行狀

鄉飲介賓田公嘉誌銘

劉雨村墓道碑

并銘

韓氏家世序述

卷三目錄

疹科然脂集鈔題辭

劉雲衢畫像贊

經略僧親王夏禮

祭妻文

手開望誄

楊美爵誄

例贈友林郎張氏行狀

先考華未府君墓誌銘

徐輝齋墓誌



王蒲谷墓表

王節婦墓表

松林書院課士題辨

避水者說

趙三偷說

六一堂文集續

六一堂文集續

六一堂文集續

天衢趙公詩

自三賢祠遊石千洞記

王莫遠墓表

王節婦墓表

高節婦墓表

王開運先生傳

族弟華峯墓碑銘

鄉者許慎懷先生行狀



益都李煥然堯文撰

例封太安人劉母宋氏行略

劉母姓宋氏太學生諱芳字馨遠公妻也宋故吾邑名族其父嗜讀書安人幼時父嘗以班氏女誠程氏女典等書摘數條口授之安人聞輒了了以是漸通解文義年及笄歸公事舅姑幾三十年不失婦道公以農商起家且暮經營老至不倦安人以織紵佐之不數年廬舍田園富甲閭左安人子男二人長字道

六一堂文集

卷三

隆早卒妻以節孝聞仲字掄秀太學生晚年公以壽終安人亦春秋高矣時仲子應外事每以財物交計較太明安人戒之曰此非所以長世也古人有言曰終日讓畔不失一段終日讓路不枉百步汝能三復斯言則保家之主矣由是掄秀大感悟謙退斂抑衆指爲長者迄於今安人往矣長孫松齡以軍功

例授營千總餘亦應童子試芝蘭玉樹繼繩繩興仁興讓邑稱爲積善家皆安人善教之遺也丁卯之春門人以余文付梓松齡踵門而請願以其祖母懿

行存之集中且用以示後世子孫保有世澤余與劉
有世講誼不獲辭也爰識其大略如此

六一堂文集

卷三



例封太安人節孝劉母王氏行略

貞節劉母王安人壽光前輩王東萊女吾邑故處士道隆劉公妻也年十九歸公甫入門太翁已不逮養祖姑年七十餘矣安人奉事兩世備有儀法姑嘗以盛夏病安人親侍匕箸兩月不解衣姑病愈喜語人曰新婦孝謹若此吾家其有賴矣未幾道隆卒安人年二十二歲而寡時公無子女二人尙幼安人服闋後事舅姑愈謹溫清定省曾無少懈越數年姪松齡生舅姑以爲道隆後安人喜鞠育恩勤視同己出

幼入塾訓有義方不爲姑息愛及長循循雅飭以軍功例授營千總舅姑歿安人理家政內外嚴肅條理秩如不數歲家益富饒安人賑孤恤寡求無弗應其有姻黨窮乏者粟米布帛車挽驢負相望也其厚德有如此咸豐戊午安人年七十學憲鄭公賜額其閭邑人士躋堂賀屬余爲文以序之余與松齡爲忘年交恐其久而無聞也故更次其行事俟他日史氏採焉

大學生建鎬王公行狀

咸豐三年歲在癸丑夏五月六日古斟建鎬王公卒
春秋五十有一先是道光庚寅歲余識公於稠人中
見公厚重寔言德隅嶽嶽可想竊奇之明年余館其
家以兩弟從余遊執手歡甚每酒酣則曰術者謂吾
壽不永人處世若大夢百年猶旦暮也朝聞道而夕
死死亦何憾是時余壯其言然固笑而不信也迄今
未三十年而公竟卒嗚呼公之言殆驗矣人琴之感
情何能已公諱宗周建鎬其字也由先世以來代有

六一堂文集

卷三

四

隱德皇考篤行能文爲邑醕儒至公生而岐嶷卓然
有器識幼學爲文輒有見道語及長喜讀歷代史上
下四千餘年人物覽否治亂源流指學而談動中窾
要蓋其胸中浩然非拘守章句者所敢望也公弱齡
失怙兩弟年俱幼寡母孤兒相依爲命時公王父年
幾七旬悲鬱不自勝兼病痺不良於行公奉侍左右
備極色養越數載王父歿又十餘年母亦歿公兩遭
大故銜哀致誠葬祭一如古禮邑人士至今式焉初
公之喪母也課兩弟不廢讀常諄諄誨之曰吾賴母

氏苦節茹荼集蓼俾至成人異日顯揚不必科第但
得四方賢人君子俯賜一言樹之貞珉以光泉壤余
不孝孤可無憾於九原也嗣後公入國學兩弟相繼
補諸生乃祈當代鴻文碑表其墓其篤於孝有如此
公善居積殖田宅倍疇昔將析居兩弟猶繼繼弗能
忍公曰不然分而和則分猶合也合而競則合亦分
也且家口參差能保其不小有言乎於是合舊業而
三分之織悉均平絲毫不敢私以此伯仲怡怡論者
至比之陳元方蓋不誣云公慷慨好施慕吾青劉善

明之爲人賑貧恤寡不遺餘力附近居人咸沐公德
道光乙未春饑民羣起聲言假貸勢洶洶作鈔掠狀
村人大譁富室皆以兵自守是時公不設備然亦坦
然無恙也其德之服人又如此公才不爲世用出其
餘技兼工手談之術晚年結廬幽棲自愛間靜時約
鄰里父老清簞疎簾竟日不倦客至則烹蔬攜酒花
間月下陶然徑醉淵明有云歡言酌春酒摘我園中
蔬景事宛然目中也公子男四人長葆光人郡庠有

文譽餘亦醇謹老成嘗以耕讀世業今公往矣余與

介賓鑿坡王公行狀

咸豐三年歲在癸丑余客居永萬年橋側夏四月
適聞友人鑿坡王公訃為之哀下先是道光己酉冬
余以試將赴京識公於郡城雖耶執手甚歡明年余
旋里不時往來花開月下皆與公俱越今五年而公
卒自是與公交終矣公諱佃字子野鑿坡其別號也

其先累葉務農無誌銘譜牒世家不盡詳至公厚德
醕修衆悅服之鄉人號之曰王彥方蓋美其化公人
也公為大業先生子弱歲母李孺人見背前後事兩

六一堂文集

卷三

七

繼母悉如所生太公歿時公齒近艾矣一日值母怒
百計慰解於膝前作小兒嬉戲狀母笑而罷其篤於
孝有如此公性沈靜氣度簡遠與物無傷嘗偕友人
過縣署有胥役忤公辭色甚悻衆怒擁公前公曰吾
去當作何說卒趨起面頰而退曰吾不解與人角口
語也公素善居積富饒甲里左然性樸質不事邊幅
居宅湫隘緣徑皆置園倉幾無隙地書舍茅屋數椽
窗外綠草叢雜客過而陋之公曰此亦蕭相國師儉
堂也為之一笑公又輕財好義慕馬伏波之為人每

歲歉濟貧周急求無弗應環村數十里外窮若寒乞
咸沐公德公嘗夜自外歸遇匪入數輩要於路聞公
語則曰此善人勿犯也衛公至家而去晚年益篤於
行編輯古今勸世格言刊刻行世其書兼採佛老或
問之公曰教不以門戶異惟其理而已昔韓文公闢
佛椰子厚嗜之意不相悖也且近世儒宗孔氏然以
科第了卻讀書事儒固如是乎時聞者皆歎服屬余
爲序今付諸梓而未竟也公以是年四月八日卒年
五十有三子二人長清遠次明遠皆出應童子試孫
一人尚幼嗚乎公生平不苟笑不妄言淡然如一泓
止水對之躁心頓釋歿之後戚友痛惜之咸欲次其
行事以示不朽余不文竊爲約舉其略以俟當世能
言者採擇焉謹狀

鄉飲介賓田公墓誌銘

同治壬戌春三月余避亂居村西之人和堡友人
大尹村田公以手札寄余其畧云有生必死理數之常
余年七十有五矣暇日建兆鬻竈爲吾夫婦東身之
地事峻樂邱之石願託先生他無所溷吾墓也余覽
之驚且喜曰遠哉公可謂知命矣爰爲之誌而銘按
狀公名邦秀字掄升先世自棗強徙吾邑傳八世爲
小水會祖存存生有岸有岸生洪卿洪卿生子四人
伯仲季皆早世叔卽公也公生而孝謹有古人風幼

讀書不干時名讀淵明桃源記悠然有得曰此先生
胸中別一段邱壑也心慕之再應童試不售遂杜門
不復出初公父在時摘家訓格言數條書於壁公每
聖壘必護惜之至終其身弗敢忘憫兄弟相繼殂爲
撫其遺姪無異己子晚年嗣君善居積家稱富饒公
慎於交際拯難卹貧禮無弗周而於疏族窮親尤所
加意間有以苞苴相投者必厚其答曰報禮宜重依
樣酬之鄰於市道矣其長厚有如此嗟嗟齊俗以勢
力相交好凡治具招賓客皆有所利無泛然者至若

貴賤各異貧富不同雖親戚故舊間有緩急亦反眼
不相識人情類然聞公之風其亦知返矣乎公學古
有獲超然於修短之外預畫後事留懷淡定略無愀
愴之色求之古今罕有倫匹余嘗讀陶徵士自祭文
輓歌辭曠懷高寄千百世下猶可想見公真其人與
公元配劉孺人少公二歲尙難老也子三人長椿次
松次柏以耕讀世業孫四人娟好靜秀蘭茁其芽是
當能繼公之世者銘曰

天遺一老日用維質飭紀敦倫終始如一返璞歸真

六一堂文集

卷二

卜茲窀穸我銘其德永勒貞石松柏交陰牛羊屏跡
既鞏而固亦安且吉是爲先生萬古之室

公諱雲驥字雨村別號鶴侶姓劉氏壽光南境之胡營人其先世自高曾而下代有潛德至公父用五公始以學行顯用五公子三人長路驥字冀門拔貢生季騰驥業儒仲卽公也少負雋才磊落軒昂卓然有立志補諸生以高等食餼文名重一時公爲人務本行敦大節用五公春秋高病痺不良於行公曰侍牀蓐每食上親進匕箸俟食訖然後退如是者十餘年析箸後兄客死濟南公往返數百里以喪歸兄無嗣

擇族子爲之後破產厚葬之并割田數畝奉寡嫂以老壽終其至性有如此讀書有靜力每奏藝參注疏及程朱諸說理真法嚴有廣東筆意時文士競尙辭華公試秋闈有司輒以枯淡抑之以是戰不售貧困益甚迨道光丙午以恩貢入太學而公亦絕意仕進矣公性孤介落落寡所合嘗館益都口埠鎮有友人邀入肆妝二妓出迎公怒立卻之自是絕其人不與接其素行多類是晚年得長生術神情澹遠悠然意得及易簣驪然曰吾今乃得從赤松子遊矣遂瞑

是時人不之信。雖月門弟子以亂。不知公果仙去。余謂生而爲英死而爲靈。理有固然。公以儒生篤庸行。安貧知命。遯世無悔。殆蘇子所云浩然正氣不隨死而亡者乎。公生於嘉慶丁巳六月四日辰時。卒於同治癸亥五月四日酉時。享年六十有七。元配王氏。子一人。孫四人。循循雅飭。皆能繼祖父業。初公之卒也。以寇亂未靖。誌銘之典闕焉。今去公之葬三年矣。其門人以狀來屬。余文其墓道之碑。余以公老友。諱不得辭。而又嘉諸君子之不死其師。可爲後學者勸也。

故實言之不敢有加。飾焉并系以銘銘曰

古志士今貧儒。與其集於苑。惟集於枯。雖然貧則貧矣。而德不孤。生存吾庸。死亦不渝。以全其軀。以得其徒。清風高節。永爲世模。仙乎仙乎。其是也夫。

薛氏家世序述

乙未之夏吾邑薛家村薛世茂先生自持其家世譜牒乞余爲序述以傳按薛氏其先寧海州薛家島人也相傳自故明高皇帝時徙居茲土遂世爲益都人始祖以下七代逸其名今去村西半里許荒塚累累薛氏先塋在焉入傳有諱健者葬村之西南載在家乘支分派別後世困之故薛氏家世自此始十三傳諱子樂移葬村北十六傳諱塋又移葬村北之故塋前由是傳高曾而下代凡幾更墓地屢易先生恐其

久而差也乃約會同族列其世譜刻著於石以示不忘余竊惟薛氏自有明以來累葉相承雖無大顯貴人然至今五百餘年有村蔚然百室萃聚其先世遺澤概可想見而其子若孫食舊德服先疇繼繼繩繩皆以耕讀世業非克承先緒曷以臻此嗟夫自世風之漓也譜系不立宗法不明往往一本之親親盡服窮燕不會祭不與甚至慶弔不相及偷哉風斯下矣今是舉也上治祖禰下治子孫旁治昆弟尊祖敬宗承先啟後永承無替余知薛氏之族其綿延正未有

其矣爰爲詳其家世用以勵繼起者

一
堂文集

卷三

十四



疹科然脂集鈔題辭

疹科然脂集鈔者余友甄子又夫手輯也自古痘疹諸書汗牛充棟覽不勝收然皆於痘科獨詳而疹科附焉蓋以疹稍輕於痘故從略也雖然疹之爲症變態百出敗起倉猝醫者遇之往往束手故不治而死抑或治之失宜而死雖曰天命豈非人事歟又夫夙承其太父明遠先生傳痘疹兩科具有本源而又於前輩所從略者博採羣書參之家學別爲三集以補前人所未備或勸付梓又夫辭曰吾嘗窺蠡測恐貽

誤後人容詳加改正方敢定本也巖在甲寅又夫居母喪築室墓側益慨念前訓取舊稿增損之症之正變藥之攻補分門別類纖悉條列兩閱寒暑始克成編是年夏出以示余余讀之竊惟疹之爲症視痘爲尤甚余兩小兒相繼夭皆殤於疹今讀是書未嘗不掩卷太息恨交又夫之晚也又夫老而好學凡所鈔錄皆午夜燈下所成者故名之曰然脂集鈔夫書曰然脂錄實也然余因有感焉彼天下醫者何限往往迷途旣遠指南無人譬如有求於幽室之中非燭何

見是編一出虛室之明旁燭無疆使業此道者咸豁
然於心目間是亦佛氏之無盡燈也斯集其火之始
然矣咸豐九年四月既望同邑弟榆村李煥然題

六一堂文集

卷三

劉雲衢畫像贊

余年友古斟劉君雲衢靜穆少仕宦情爲諸生時家
海濱居宅湫隘蓬蒿滿徑君闢其後隙地爲園中結
茅數楹松數株菊數畦竹籬板扉常有終焉之意無
何以貧故動世想中鄉選官廣右然恬退猶昔喜山
水道出湖湘泛洞庭過九疑之麓入粵山水尤奇君
邑事暇尋輿逐幽闌柳柳州諸記欣然意得至所見
通都大邑紛華靡麗車馬喧闐意泊如也不數歲以
忤上官意罷歸破小屋至園中北牖下見老幹轟立
牆根屋角橫枝斜影掩映扶疎盆菊晚香紛列左右
是時烹蔬淪茗逸興遄飛曰吾到此乃撲去面上俗
塵矣己未之秋君以事至郡膠西畫士紀松巖爲君
圖園中晚景并爲君寫照阿堵傳神宛然顧長康筆
致披閱一過見樹影花陰下君攜三尺童子盼庭柯
摘東籬野服草屨翛然意遣真不減陶元亮自彭澤
辭五斗來也

余年友壽光劉雲衢別幾二十年矣己未歲居郡
城時有畫士紀某寓青善爲人寫照偶於肆中得

一幅圖一杖者攜童子看園中晚景號雲衢老人
未知真爲君寫照與否然
昔其高致與畫中人正相類歸
故爲之贊以志
不忘云 自紀



六一堂文集

經略僧親王哀辭

同治乙丑四月二十五日經略山左

差大臣親王僧薨於軍閩五月八日郡守閩公率僚屬設奠於郡城北之法慶寺翼日益都民某等亦匍匐竭誠北向而奠焉先是咸豐辛酉歲寇入青自春徂秋沿路焚掠村落爲墟王親督六師乘勝追擊封豕長蛇望風遠遁吾青得慎固封守屬境吏民安堵無恙如天之福於今五年矣是年三月賊突至曲阜其鋒甚銳王屢破之事機一失爲賊所圖遂致命於曹州之鉅野是時王傷中要害馳召官吏屬以軍務激以忠義如來歛召蓋延故事行間將士見賊殘害衣冠孥戮善良又感王列節仰天椎心誓不共戴王死事報聞於

六一堂文集

卷三

十九

朝部檄所司亟歸王喪所經郡縣縉紳士大夫及父老子弟皆遮道擁泣如喪考妣號哭之聲震天地王亦可無憾於九原矣而特是長才遠略未竟其用鞠躬盡瘁齎志以沒杜子美云出師未捷身先死長使英雄淚滿襟是之謂矣嗚乎痛哉草莽愚誠再生之恩

莫知所報惟敬茲不腆以將哀哀且撰辭以抒區區
微意云其辭曰

天子當陽兮特運昌隆川嶽降神兮才具駿雄入爲周召
兮位躋三公出領節鉞兮鎮撫二東孔武且仁兮率
土從風何期逆孽兮驟我崇墉大星忽隕兮萬里孤
踪裹尸矢願兮浩氣如虹泰山其頽兮仰止奚從長
城其壞兮孰竟厥功昊天不弔兮定蹇精忠呼籲弗
聞兮嗷嗷哀鴻

六一堂文集



祭妻文

同治三年四月十有一日六十九歲老人李巖然具
時物之奠告余妻宋孺人之靈曰嗚乎汝竟去余而
歿也耶余少而貧苦忝在士林不能邀升斗之祿以
贖家室又齊家無道致夫婦離居二十餘年吾負汝
矣每一念及良獨內愧區區此心夫復何言雖然讀
聖賢書所學何事夫婦之倫豈敢忘之但余生逢不
幸有大不得已焉者非汝所知也余性剛才拙與世
多忤勉圖宦達恐爲汝禍且中年喪子先人墳墓祭
六一堂文集 卷二 二二

埽無人孀婦煢居依託何賴以此遐老林下不與世
接三覓側室幸有子女此亦欲人定勝天懼先人一
綫斬耳豈若輕薄兒輩妾匹婦致生亂階乎汝意淺
識罕見不及此謬矣嗚乎生不相能死復何怨前年
汝病瘵余爲汝相土築穴以作幽宮去吾父母之墓
僅數十步術者謂其地不善議將改卜余曰此吾祖
父墳塋也余幼而孤生不能養死何忍離是余志也
何改卜爲今汝往矣卜吉歸窆近在明日儻見吾父

母於夜臺敬聆明訓當必同心余亦年幾七十不火

孰木他時黃泉聚首余與汝承歡地下大隧之中其
樂必有踰於生時矣略陳肺腑用告靈石死而有知
庶其鑒此嗚乎哀哉尙饗

文集

卷三



于開望詩

咸豐九年八月二十一日邑開望于公奉春秋六十三有三公少補諸生聲稱藉甚道光乙酉歲學憲吳公觀風山左以公冠吾邑多士余得其文讀之出入經史具有本源儻傑廉悍迥異凡響是時余不識公然竊以公爲古之學者也歲庚戌余館及門趙生家以生與公相友善始獲一晤時公齒逾艾矣修髯拂拂衣服樸質舉止凝重德隅可想余更奇之是年秋公歿生手公行述纖悉條列爲余詳其爲人余讀之恨

生前交公淺爲之泣下按狀公吾邑高士也孝於親友於弟宗族鄉黨兩無閒言子若孫皆訓有義方以詩書世業公老於卷軸讀六經約舉傳疏不泥一說觀歷代史上下四千年治亂源流確有卓識至爲文意取達理洗絕浮豔以此卒以諸生老嗟嗟今世所稱學者多矣然以科第了卻讀書事循行數墨簡鍊而揣摩之父以是勉其子師以是訓其弟轉相倣效如出一轍而於古人敦實行樹人品通經學古之道白首懵如焉偷哉風斯下矣公生乎今世而篤學力

行卓然自立若此古公云名由諡高實以誅華以公
之生平據生所言概合前典是可誅也已爰爲之誄
曰嗚乎我公斯道所宗中流砥柱危石孤松悅親信
友愼始令終積德昌後桂馥蘭叢余交公兮未得而
交其友如獲交公痛矣傷哉古之學者爲己公庶乎
有其遺風

楊天爵誄

同治四年秋八月余友天爵楊公卒春秋七十有三
公吾鄉中隱人也生而豪朗慕陶元亮之爲人少讀
書不墮時趨謂讀書當志於道以辭章取科第非所
好也遂舍去公性孝友太翁純一先生春秋高公奉
敦牢延甘旨佳節令辰與兄弟及兒孫輩繞膝上壽
翁顧而樂之及遇疾瞑目深息含笑而歿蓋以公兄
弟怡怡能敬承先人志也公少負異才善居積以家
口日繁聞逐什一之利然疎於財赴人之急甚於己

六一堂文集

卷三

三五

私咸豐辛酉邑有警公捐貲倡導約鄉村置砦以守
及寇至附近居人安堵無恙迄今稱公德不衰公析
箸後移居村南別墅闢隙地爲園柴門曲徑花木幽
深汲水灌蔬燕尾分流又於畦畔種菊數十種涼秋
九月冷艷幽香璀璨奪目公耕穫餘暇偕朋輩三五
人布席其下烹蔬淪茗高話羲皇余時一過訪見公
雖隱身塵市而清風亮節矍然塵表真不減名士風
流也憶余自壯歲識公至今幾四十年矣故交零落

若晨星惟公精神強固時通音問是年七月

例賜贈文林郎張公墓表

公諱慶宗字餘軒一字睦堂姓張氏其先世棗強人
始祖諱百順明洪武初徙居壽光城二世諱熙義從
成祖靖難有功晉封鴻臚寺正卿自時厥後代有潛
德三世諱秉信六傳有諱存水者復自城遷洱東之
張家莊遂家焉存水生絃絃生文茂文茂生鳳閣鳳
閣生崇德崇德生甸甸字昀青公考也昀青公庭訓
嚴孝弟力田悉遵先世遺矩至公幼有至性事父母
先意承志色養無間言尤友愛諸弟年著時薄田數

畝獨取其尤瘠者論者謂有薛包遺風焉娶劉孺人
以瞽廢公禮重之至沒其身不衰劉孺人卒繼娶王
孺人又繼娶孟孺人孟孺人有賢行自歸公家苦貧
室徒四壁立孺人自奉儉薄錙銖必惜然性好善嘗
有偷兒入室衆執之孺人曰若輩皆窶人非得已也
陰縱之使逸去夏秋守望有盜禾穗者孺人遙見之
從間道歸若爲弗睹也者其素行多此類以是黽勉
同心邑人德之咸以公方梁伯鸞蓋以公厚德醅修
得之內助居多也晚年家漸裕公慷慨喜施與孺人

質簪珥佐馮艱於嗣鄰人有爲禱於神者曰若張某
而終無後乎未幾子師文生公卒於嘉慶丁丑四月
春秋六十有三孺人卒於嘉慶乙卯九月春秋六十
有四子一人卽師文女二人皆爲士人妻孫二人長
椿齡咸豐戊午副榜同治壬戌舉人次桂齡太學生
孫女五人曾孫一人石麟余按公自先世經喪亂來
積善累功其所培植者深矣公以一身承藉其間食
舊德服先疇繼志述事敬守無替其子若孫芝蘭玉
樹緝緝繩繩卒以科第振其家公其可謂有後矣椿
年矣迄今墓無片石懼其久而易湮也余不文爰次
其行事爲之表

蕭字壽山博學能文與余善以狀來言公之沒六十

年矣迄今墓無片石懼其久而易湮也余不文爰次

其行事爲之表

先考華木府君暨先妣朱太君墓表

嗚乎惟我皇考府君卜塋先塋之四十年 不肖男始

立石以表其墓非敢緩也蓋有所不得已也 不肖生

不幸十六歲喪吾父又十年母又見背少失庭訓白

首無成今已矣吾父母數十年夜臺冀望而所就止

此終天之憾萬一何補然謹誌燕翼貽謀以示不朽

抑亦稍伸寸草之報也吾父家素貧潔已篤行允嘯

讀書病革嘗撫予而言曰學所以爲己也汝異日不

必科第但行不愧影寢不愧衾求爲鄉里間完人則

六一堂文集

卷三

二十九

吾有子矣言訖而瞑嗣後家益落炊烟屢斷腴田半

割吾母紡績自力俾至成人予偶不自檢則曰汝父

雖終言猶在耳汝不念其易貧時耶予以是深自刻

勵雖半生落拓力不從心然固時憶其言之悲也予

少補諸生年四十舉於鄉時志力未衰每妄意策名

通籍榮及生我然德薄能鮮不與時遇六試禮闈遇

戰輒北又晚年喪子賴子婦孝已誓可自慰繼孫幼

未知克承先業否歐陽子曰尙有待也迄於今何待

哉於是以皇考遺訓刻著於石俾後世奉祀兒孫過

而弊焉儻非甚頑鈍尙能守往訓以世厥家則吾父
母不朽而不肖孤爲有後矣咸豐七年九月十有八
日 男煥然表

六一堂文集

卷三

三十一

故處士徐公墓表

公諱光字輝齋姓徐氏其先棗強人始遷壽光之李
二莊譜牒散失世系不盡詳

國朝康熙初有諱三綱者移居堯河店遂家焉是爲公
曾祖自是積善家聲代有名人再傳至堯濱公公父
也其爲人性和厚不喜聞人過失歲時里人讌集間
有攻訐人短刺人陰事者則蹶踏不安及歸必召公
而戒之曰揚善隱惡所以保世慎勿如鄉曲儂子跡
喪元氣也時公謹誌之弗敢忘至公幼有至性事父

母婉容深愛能得堂上心堯濱公好客又嗜弈公爲
埽除一室淨几明窗清簾珠簾每佳節令辰集鄰里
有齒德者布席其間翁與客相對弈公莊侍其側局
罷烹蔬淪茗斗酒雙鷄皆預時而辦翁顧而樂之亦
暢然極一日歡其養志如此堯濱公子二人公居仲
與兄少同研席事若嚴君歿無子公嗣以次子爲文
告靈柩前余得而讀之情辭愴惻哀動路人其篤于
友子又如此公少讀書以貧故去而服賈然疎於財
遇人有緩急輒傾貲助之值歲饑有乞人臥道左病

不能起遇公跪而請曰壽聞公長者名心竊嚮往之
今不幸疾作恐不能正邱首然幸及君子之見也公
聞立殓之家飲食之歲熟乃遷歸其厚德多類是晚
年公配房孺人卒屏絕世故林杖過過約村翁野叟
桑麻話舊以終餘年又十餘歲以壽終春秋六十有
二時道光元年八月八日也公子二人長成功次成
德卽出嗣伯兄者女一人適張氏有閩德生子椿齡
字壽山中同治壬戌舉人孫三人曰江曰海曰淮曾
孫四人初公之葬也誌銘之文謂焉迄今四十餘年
六一堂文集 卷三 三十一

嘉言懿行若存若沒傳聞異辭壽山訪之戚執輯其
厓略屬余文其隧道之碑余謂其藉功累仁自應不
朽而又嘉壽山汲汲求余文以誌章之意可爲戚誼
衰薄者鑒也乃爲之表

黃公希冉字克齋，號北邙，馬家山人也。咸豐庚申正月卒，卜於二月八日。公生於嘉慶二十五年，八十有四。公先世自建德徙居山累，世相傳。公德傳六世而至。公公之葬也，墓隧之文缺焉。四年，其子以狀請於予曰：先君子名不列紳士，持門戶辛苦半生，積善成德，子孫賴之，願祈先生語勸之，墓石以光泉壤。余小子歿齒不忘也。余愧辭不敏，按狀公生七歲而孤，太孺人守節自誓，以長以教，俾至成立。六一堂文集

公幼而孝謹，父歿時哀毀如成人。既免喪，事孀母幾四十年，左右就養，未嘗一刻懈。及歿，禮無違者。產業素薄，茅舍兩弓，瘠田數畝。公服勤其中，不數年稱富有。又好行其德，重然諾，喜施與。宗族鄉黨，窮貧恤之，温温有恩意。人咸愛戴之，公爲人氣度簡遠，與物無競。然矩步方行，爲里人所敬。憚村有神祠，每秋冬報賽，父老子弟舉酒，懽呼以爲笑樂。公至，肅然起立，間有挑達不帥者，見公輒引去。晚年勤慎，強立。老至不衰，尤嚴於家。誠肅，肅望望家人化之，皆以恭謹聞疾。

革猶戒其子曰脂韋刻薄陰險有一於此卽爲先人之辱矣其長厚有如此余生也晚公之行事未能殫述然憶初識公時見公修髯拂拂舉止凝重衣服樸質望而知其爲端人昔都人士之詩追憶先民卽臺笠緇撮如或遇焉余於公會一謀面又與其諸子姪遊老成典型概可想見雖言之無文語多未肖然視彼都人士之思則固親炙之矣公元配徐孺人繼娶張孺人子梅徐氏出次榕張氏出皆恪謹有家風孫經一出應童子試曾孫幼未名也兩孺人有婦德相

公稱賢先公歿偕公祔先人墓側

王蒲谷墓表

王公諱汧字蒲谷陽城著姓也先世自明鼎革徙城
北之于家莊遂家焉始祖諱聰成化間歲貢生固安
縣主簿九世祖諱應卜嘉靖間歲貢生衡府紀善八
世祖諱恒豫萬應己卯舉人清源縣知縣 國朝食
廩餼貢太學者代有其人邑稱爲文獻家至公生而
豪朗有至性事父母承顏順志色養無間言恭於兄
友於弟伯仲之間怡怡如也少讀書累於家計遂棄
去及壯出其餘技效陶朱公居積術轉物候時不數

六一堂文集

卷三

三五

年其息什倍公好行其德妹適楊氏家貧公不時
饋遺薪米以月計綿帛以歲計至終其身不懈歿後
棺殮喪葬費皆出公手表弟某自幼貧無依公養之
家寄居幾三十年卒無德色道光間歲屢禳里人貸
錢若干緡人不能償議以田酬其直公聞之焚券不
肯受其長厚類如此公生於乾隆辛亥五月十六日
卒於同治癸亥七月五日巳時享年七十有四子二
人長曉嵐從九品次曉山 例貢生孫三人出就傅
皆能繼祖父業嗟嗟近世所稱豪家巨族多矣往往

相曰宅飾與馬匱金窖粟招怨閭里迨于孫零落影
響渺然再往過之有睹風物而憫其銷歇者矣此鄒
長倩所爲致戒於撲滿孟子所稱爲富不仁之效也
公以匹夫致千金而慷慨好義至老不衰其子若孫
卷三
服先疇食舊德緝緝繩繩以世厥家爲善之報何如
耶今公葬有年矣其仲子曾從余遊懼其久而無聞
也故屬余次其行事而爲之表

王節婦墓表

古所稱烈士者何也守偏隅輔幼主匿山蹈海百折不易迨國脈斬臣力竭然後從容就義卒以身殉若南宋張陸諸君子章矣余謂士固有之女亦宜然吾邑段村王節婦者邑人王信兒婦也家素貧歲饑隨舅姑徙遼東踰歲舅以病死姑喪明夫亦尋歿是時婦孑然一身天涯流寓奉孀姑以屍歸風塵千里艱難萬狀歸至家葬姑後痛哭以死事在乾隆季年今未及百歲坏土荆榛淒涼滿目至問其姓氏無知者

六一堂文集

卷三

三七

譬之菊秀蘭馨萎翳於寒烟蔓草間可哀也已是年春吾友王義扶信遠屬也過其墓慨然太息爲之立石而徵文於余余謂婦苦節幽貞自當與古烈丈夫並傳異日貞珉可據千古常新則輝史筆光邑乘於是乎在余旣悲婦之節不可沒而又嘉吾友是舉可爲衰世好義者勸也因不辭而表其墓

渠邱劉莊年先生主講於郡城之矮松院以古文課諸生題曰諸葛武侯王景略優絀論竊以爲先生過矣語有之疑人必於其倫故論古人者必深考其本原之地不甚相遠而後就其品詣之所成較量優絀使學者得以考世而知人論古之道固當如此也先生其果以景略爲武侯等倫哉昔武侯未遇時布衣躬耕不求聞達元德聞之三顧於茅廬之中然後許以馳驅論者謂其自重則然然竊以爲未知武侯也

夫武侯之遇元德得其主焉耳不然使三顧者爲孫曹其亦委身以事之耶吾固知武侯之必不然也迨其後鞠躬盡瘁死而後已雖鼎足之勢終不可復然其學問經濟視漢之蕭曹唐之房杜有其過之無不及焉杜子美云伯仲之間見伊呂洵非譽也武侯其三代下一人也哉至王景略始隱居華陰似矣卽其謁桓温時捫蝨而談旁若無人亦慨然有定中原之志假令移其後之事秦者以事晉則挾其不世出之才掃清華夷又安中夏得與陶荊州之勳勞謝東山

之偉績並列一朝後先媲美豈不偉與不然不得其所願爲則潔身遠害泯沒無聞可也乃概不出此而卒委身以事秦夫以王佐自負而屈身於秦其果以堅爲興主耶不然主非王天下之主而欲依之以成功名陋矣而謂可與武侯比倫哉或曰先生命題之意亦自有說景略素自負爲武侯之徒至遇苻堅相見恨晚又自謂如元德之遇孔明也先生之意蓋取諸此雖然此亦古人自許太過則然耳夫人以豪傑自命其嚶嚶然志大言大類多如此昔石勒嘗自方

光武矣假使作文者亦題曰光武與石勒優絀論豈不爲識者笑乎先生取景略而擬於武侯不亦謬乎竊嘗論之武侯得其主者也景略失所事者也以此比較其品詣相去遠矣且景略之事夷也讀其臨終之言亦知爲正朔在晉是固知有天子也夫知中國有天子而顧委質策名驅夷狄而與中國敵聖賢之所爲固如是耶吁君子一言以爲智一言以爲不智卽論古人何獨不然先生慎之哉

趙二偷說

趙二偷穀者也。莖叢生似稻，多生水田中，穗細而長，如鼠尾，然俗謂之鼠尾。余亦素聞其名，然以平原無此種，未之見也。甲寅之秋，余以事適邢姚鎮，經過宋臺，重辟閭，渾墓沿路禾田多。此種時宿雨初晴，既方既阜，或或油油，望之蔚然而深秀焉。余愛之，問之土人曰：「此名鼠尾，非歟？」土人曰：「不知也。」問何名，曰：「趙二偷。」余訝其名不符，問其故。土人曰：「昔吾鄉有趙二者，其人素善謔，無恒產，以販布歲遊博昌界，遇此種竊

六一堂文集

卷三

四

之來，至無所用，與其鄰由是村人利之，問其名，無知者，故舍其名，謂趙二偷云。余因之有感焉。夫以嘉種與人，君子之心也；偷小人之事也。以君子之心成小人之事，謬矣。且美種之需無幾也，趙二素往來其地，倘乞之主人，無弗與者；不然計所值償之，更無弗與者。乃概不事此，而事偷，不亦左乎？余謂趙二之偷戲耳。村人以名穀亦戲耳。然事不可為，名不可易。迄今人獲其利，而趙二卒得偷名，所喪多矣。語有之：不矜細行，終累大德。其斯之謂與？其斯之謂與？

避水者說

咸豐癸丑夏六月青大水巨洋一帶尤甚沿河堤岸
齧而圯村民大驚有呼水至者則譁而走不知所往
下流至壽光界水忽溢有兩人猱登樹上其一以白
金貯腰橐累累滿中其一身無長物懷餅餌數枚而
已移時兩人皆饑其一出餅餌噉之得果腹焉其一
乞其餘不獲探其金吝不忍與人之餓且甚腹雷鳴
涎盈盈垂也過三日水落墜地斃其一入盤旋而下
舐其橐竊其金以去余聞其事而笑之竊謂金寒不
可衣饑不可煮無益於生何救於死然寶此者愛之
重之卒以身殉如此類者比比也嘻愚矣

益都李煥然竟文撰

天衢趙公誄

維咸豐元年夏五月戊戌邑天衢趙公卒於荊州石首之官舍春秋六十有三按狀公生而穎異補諸生自負才略慷慨多大志然數奇屢試輒蹶由廩貢生任歷城訓導冷官匏繫謀僅升斗論者咸謂不疑其才而公處之恬如也任歷城時奉委監灤源書院酌立規條抑僥倖引賢俊甄拔無遺才歷城舊有義學

公捐貲獎勵若子弟然由是邑文風日上甲第蟬聯號稱極盛皆公力也又邑有賑孤貧銀兩胥吏舞弊侵漁頗多公爲請於有司掃除弊竇迄今邑民咸賴之任滿以卓異陞甯海州學正撫藩又以公有長才可膺民社自是由保舉得召首合甫入境胥役持金數百以舊例白公公叱之曰吾不以傷吾廉也公蒞任時水患頻仍道殣相望戴星出入日夜無休時邑有堤曰黃金堤邑保障也日人傾圯民患苦之公親督修補月餘歲事工稍完固是時公年六十餘矣勤

慎強力老而不衰每公暇語人曰事君則致其身分也漢武侯云鞠躬盡瘁死而後已吾將守此言爲息壤矣嗚呼許公仕宦幾三十年廉幹之才爲當路人所器公亦嘗慨然自許思一展驥足効功當世然屯遭困躓終不得竟其知能以卒是可哀也已公子二次入邑庠有聲是當能繼公之世者爰爲誄曰

今之廉吏古之清郎艱難險阻立不易方職司教鐸孔道以彰盈門桃李爲龍爲光出宰百里視民如傷宋登神父卓茂循良陽春已去愛及甘棠飛鳩瓜印遠而彌芳積德善後麟趾呈祥金昆玉友桂茂蘭香哲人其萎載慕傍徨誰者後死涕泣淋浪

自三賢祠遊石字澗記

石子澗爲吾清十澗之一值夏秋雨集山水瀑注前
人所謂石澗冰簾者也余自道光丁未客居城東之
古香齋每欲約友人以時遊其地皆畏熱不果是年
立秋後六日高樹涼歸烟景澄霽友人招飲於三賢
祠余聞之欣然往取道至萬年橋由闔闌中過曲徑
漸幽荆杞叢雜其傍豆田半荒青不辨瓏陶淵明云
道狹草木長又云草盛豆苗稀景物宛在目中 also 迤
邐行四五里至祠前見古楸大百圍半枯死而老幹

六一堂文集

卷三

三

蒼枝輪囷虜立慨然想見七百年來剪伐無及甘棠
遺愛於是乎在竊爲低徊者久之祠後就城基爲亭
前郡守張公題後樂亭三大字適媚有竒致歲辛丑
邑宰王觀澄稍葺而新之仍舊額更已名於上有馮
生者憤其誣以穢物塗之污痕宛然酒酣友人相與
備述其事爲之一笑午後同遊倦而歸惟及門丁文
田李本樞從余循陽水而西過十餘丈折而南其地
懸崖峭壁人跡罕到下視清流晶瑩秀徹游魚紛紛
可數行約半里許隔石壁聞噴薄聲轉覓之則水自

石溜而下條分縷析若垂簾然因憶古人所謂冰簾者彷彿得之環而上有大石當中流可坐數十人其石中分裂寬不盈尺瀑水注焉屈回合流作虬龍蜿蜒之形驚濤雪浪奔騰澎湃人語咫尺不可聞久之尋東岸而上其黑石矗立高與人齊攀援而登芳草鮮美禾黍油油視城北尤爲佳勝南望劈駝諸峯層巒疊嶂外與天際近則流雲漸退清吹襲裾意覺輕快緩步經南門外折而北旋是時炊烟四起夕陽欲墮落霞在樹若火始然余猶見岡巒出沒頻頻返顧

意流連不忍置而暮色蒼然轉瞬間以隱女牆矣已
西六月二十五日記

王奠遠墓表

道光己酉之冬余得交王君振璽其人一見如舊識
敦氣詭重然諾端人也是年春君持文字一帙踵門
而請曰此先考奠遠公行述也先君子名不列紳士
而積善累功子孫賴之不孝孤不能力致顯揚榮及
生我願祈先生數語勒之墓石以施不朽菁蔚之憾
余小子庶借以少慰也余讀之旣重公德又感令嗣
之孝何忍辭按狀公諱子安奠遠其字也公生而窮
困晚年稱善富父母在時薄田老屋歲入不足供饘

粥公殺水承歡備極色養歿之後過歲時薦新輒泣
然流涕悲不自勝曰昔常不足而今有餘其何及也
蓋終身孺慕有如此嗣君幼公課以耕讀業尤著爲
家誠恐蹈童年挑達之習及長入國學其爲人謹身
寡過坦懷溫語鄉里稱爲長者公教也公家起寒微
然好行其德每歲饑賑乏絕恤寡孤施濟所及指不
勝屈下逮祠宇橋道道路凡有修葺皆慨然自任曰苟
便於人吾弗惜也公所謂篤行之君子非耶嗟嗟世
風之漓也久矣往往富厚之家侈爲豪舉以財雄閭

里間而較錙銖吝升斗親戚族黨曾無分其河潤者
馬伏波有言有財不能施與直守錢奴耳以視公好
義推恩令聞長世其爲人賢不肖何如哉迨於今公
歿有年矣嗣君敬承先緒爲農爲商丕振箕裘廬舍
田園數倍疇昔而子若孫繞膝盈庭繩繩繼繼余知
公之遺澤其沾被正未有艾矣爰爲次其行事俾奉
祀子孫永守無替且用以扶澆俗維世教云

王節婦墓表

貞節王母周孺人於咸豐丁巳歲學憲呂公區 闡其
門是年夏邑人士將稱觴賀屬余爲文以序之
月孺人歿又欲其傳之久也乞余言以壽諸石嗚呼
余果可以傳孺人耶曾子固云事公且是矣而辭之
不工世亦不傳余不文何足爲孺人重然竊意孺人
大節卓卓固當不朽文以人傳非人以文傳也按狀
孺人年及笄歸王公五年而嗣君生時琴瑟靜好有
鷄鳴戒旦之風無何而公病病且彌留知不起呼孺

人至前悲不自勝曰死生命也但親老子勿俯仰何
賴異日克家訓子以綿先緒是則後死者之責也子
其許我乎孺人曰謹受命公亦尋卒是時嗣君方十
齡舅姑已瞢然老矣媿媿子立寡母孤兒相依爲命
孺人服闋後恐以哀毀傷舅姑意忍淚放眉言笑如
平日惟退居時母子相對飲泣而已又數年舅病痺
不良於行孺人奉甘旨侍湯藥兩踰歲無倦容舅姑
歿孺人督嗣君理家政教耕課讀老而不衰晚年家
益裕孫男四人長補諸生次武生曾孫二人皆嶄然

見頭角病革孺人曰吾今可以報夫子地下矣遂嘔
血數升卒嗚呼古所云死而不朽巾幗中節與孝而
已以孺人從容就義矢死靡他承先澤啟後人實嘉
賴焉余知百世而下孺人之苦節先行當與日月爭
光矣因不辭而表其墓孺人夫名恕字仁方邑周宗
彥女例得並書

六一堂



高節婦墓表

貞節高母劉孺人年六十餘例得奉

勅建

坊旌表邑人士將稱觴賀事未舉孺人歿乃乞余言

以壽諸石用謀不朽按狀孺人壽邑劉祥之女爲高
太初妻處士諱涵之仲子婦拔貢生諱秀干先生之
曾孫婦也年及笄歸太初鷄鳴戒旦有賢淑聲越數
載太初卒是時舅姑年老衰病侵尋孺人左右扶持
備極色養及歿葬祭無違禮太初卒時止一女無子
繼其族子善榮以爲後孺人訓有義方慈嚴兼至嗣
六一堂文集

卷三

九

君亦恂謹老成以耕讀世業歿之時家計烝烝孫男
女繞膝嗚呼高氏以科第起家詩禮之傳世守無替
孺人茹荼啖蘖幾四十年卒使同穴有妻墓門有子
扶植綱常維持風化於是乎在是不僅於高之門第
有光矣余不文爰摭實以識其大者

余姻伯王公諱際昌字開運世籍壽光之三元村父諱振東好善喜施俚有長者行季父洛東精岐黃術多活人邑人德之取東坡意扁其室曰種德堂至公生而恂謹凡事遵先人意幼出嗣世父一經公事孀母備極色養年符 例力爲請旌學憲蔣公額其門公拯難恤貧由近及遠均被其惠而於宗族尤篤姪輩有名安者以歲飢適遼東十餘年不返公養其妻子日有食歲有衣嫁娶凶葬費皆出公手其他施醫

藥置義田歲計不下百餘千公弗惜也晚年杜門家居歲時伏臘合鄰里坐堂上桑麻話舊怡然忘老咸豐癸丑享年八十有一以無疾終公子名清芳亦好施時家稍落矣族子弟多無賴曩之所得隨手蕩盡猶時周卹之遇歲歉仰食其家者日常數十人蓋其遺訓然也孫二人長書紳爲余婿次書升皆老成有祖父風

論曰昔錢公輔作范文正公義田記其中引晏子事先父族次母族次妻族而後及其疏遠之族

第施有差等說者謂與孟子親親仁民之旨有合焉
今觀於公其意豈異耶嗟嗟近世世家巨族邸第之
雄輿馬之飾與公優埒而疏族窮親操簞瓢爲溝中
瘠者曷可勝道聞公之風其亦少愧也夫

族弟華峯墓碑并銘

弟諱華峯字鎮西余五世外昆季也爲人性剛毅任
事有膽畧幼入塾文輒作不凡語見羣兒鬪抑強扶
弱侃侃無所倚其有不服者奮拳毆之使不得逞乃
已余以是心異之道光辛巳變作父國賓公陷於獄
破田宅賂胥役控撫藩卒不得直越數年國賓公卒
寡母孤兒炊煙屢斷鬻尾流離四方餬口崎嶇歷三
十年咸豐初家漸復諸舅亦漸長弟奉卮爲母壽親
戚交遊亦製錦以彰其節是時弟齒近艾矣篤宗族

六一堂文集

卷三

十

睦鄰里排難解紛遠近恃爲祭酒同治丙寅冬風雪
奇寒路斷行旅弟適以息訟事入城遂遇疾踰年氣
息奄奄漸就羸殆既革母聞之泫然曰母好自愛勿
以兒過傷也曩日幸以五月八日葬先人墓側得年
五十有六嗚呼余弟少經埃壘而動心忍性保世承
家卒克自樹立若此所謂生於憂患非耶余性迂謹
每臨事不能決弟至片言立解其匡予不逮爲多語
有之以人爲鑑可鑒得失弟死余亡一鑑矣故於其
葬也文以遺其子俾揭於阡以示永久且以誌余之

道光辛丑冬十月八日鄉先生慎懷許公卒先是公
虛懷善下以其孫從余遊與余訂忘年交迄今二十
餘年公壽享八十有一而終蓋余之知公久矣公生
有至性事父母能曲體堂上心及死哀毀骨立慘疇
嬰兒而竭情盡慎纖悉不踰禮者讀書沈潛有靜力
析疑窮理必深窺古人堂奧每展卷閉戶研究燈火
熒熒竟夜不倦諸子弟或恐其勞公曰吾自樂此不
爲波也公精於六書之學會其音義考其邊傍正其

六一堂文集

卷三

十二

一

訛謬間遇有質問公以指代筆雖一點畫不苟由是
請業者踵相接焉公又性好仁兼肆力於鹹黃諸書
而於痘科尤精邑附近若人延請者無虛辱公應之
每徒步往日不遠數十里雖風雨寒暑弗恤也公子
四人其伯仲元配李孺人出也伯先公卒遺一子從
之成人仲秉家政其子亦入邑庠有聲是時公年七
旬矣繼室劉孺人復連舉二男公益喜晚年杜門家
居訓諸子燈讀易時爲人決休咎料成敗不事卜筮

言多奇中或問之公曰蘇子云事有必至理有固然

惟能者能見微而知著靜故明也康節讀易久不
夏不扇者三十載定故語也余深愧前賢未達也而
有志焉余聆其言竊佩服者久之公而蒙

國恩榮給九品冠帶而蒼顏矍鑠耳目猶不與人隔
年秋間公偶下堂折脛踰月不出余方將偕二三友
輦一省公眠食何似而公竟不起矣殘之後感傷
惜之謁狀於余余之公久知公生平最善故其狀
如左以爲吾鄉存善

